

ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

ԴԱՐՁՅԱԼ ԵԱՅԱԹ-ՆՈՎԱՅԻՒ ՀԱՂԲԱՏԻ ՎԱՆՔՈՒՄ ԴՏՆՎԵԼՈՒ ՄԱՍԻՆ

Բաճապիր. դիտ. ղոկտոր Պ. Հ. ՀԱԿՈԲՅԱՆ

Սայաթ-Նովայի սեփական ձեռքով գրված խաղերի դավթարն ու ծխական մատյանը՝ իրենց մեծարժեք հիշատակարաններով, նրա ստեղծագործություններում առկա առանձին թափանցիկ արտահայտություններն ու անդրադարձումները, նրա ապրած ու գործած տարիներին ու վայրերին վերաբերող պատմական վավերագրերը թեպետև բավականաչափ ուղղակի և անուղղակի տվյալներ են տրամադրում հետազոտողներին, բայց բազմաթիվ խնդիրներ, նրա կյանքի ամբողջ ժամանակահատվածներ շարունակում են մնալ մշուշի մեջ:

«Պատմա-բանասիրական հանդեսի» 1969 թ. № 3-ում, առկա սկզբնաղբյուրների ընձեռած տվյալների հիման վրա քննության առնելով Սայաթ-Նովայի կենսագրության հաղբատյան առեղծվածը, մենք նպատակ ունեինք պե՛ր ընդհանուր գծերով վերականգնել բանաստեղծի կյանքի վերջին երեսուն տարիների ժամանակագրությունը և ուսումնասիրողների ուշադրությունը դարձնել այն հարցերի վրա, որոնց վերջնական լուծումը պահանջում է տեական ժամանակ ու ջանքեր:

Նույն հանդեսի 1971 թ. № 3-ում մեր դրույթների դեմ հանդես է եկել Ս. Բրիգորյանը՝ «Սայաթ-Նովայի կյանքի հաղբատյան շրջանի մասին» բանավիճային հոդվածով, ուր անտեսելով հանրահայտ փաստերը կամ միտումնավոր ձեռով վերարտադրելով դրանք, գրում է. «Մասնագետներից ոչ մեկը անվերապահորեն չի պնդել Սայաթ-Նովայի հաղբատարնակ լինելը: Ախվերդյանն անգամ, որ այդ տեսության հիմնադիրն է, թեականորեն է խոսում»:
«Սայաթ-Նովայի կյանքի հաղբատյան շրջանը... ոչ թե իսկություն է, այլ խիստ հավանական, ճշմարտության մոտեցող ենթադրություն»:
Պ. Հակոբյանը «ամենևին հաշվի չնստելով վերոհիշյալի հետ, Սայաթ-Նովային նախանվերապահ հաղբատարնակ է համարում և ապա ձեռնամուխ լինում դրա հերքմանը» (էջ 95):

Իրականում Ախվերդյանը հաստատորեն գրել է, թե Սայաթ-Նովան «իր զավակներու Թիֆլիզում թողած՝ գնում, հեռանում է Հաղսյատու Սուրբ-Նշան վանքն... ձեռնադրվում է արեղա... Դժվար թե նա մտած ըլի վանքն իր կնոջ մահից առաջ... որ է 1768... թե մե երկու տարի էլ ետ դնենք ու ընդունենք 1770-ն, հայնժամ մեր երգիչն կրոնավորելիս էլիլ պիտի ըլի 58 տարեկան»¹, իսկ Մ. Հասրաթյանի կարծիքով, «կնոջ մահից մի քանի տարի հետո, երևի

¹ «Սայաթ-Նովա», ինչպես նաև աշխատասիրության հետադարձ Ախվերդյան, Մոսկվա, 1852, էջ Ժ—ԺԱ:

1770-ական թթ. Սալավ-նովա—Տեր-Ստեփաննոս քահանային վանականի (վարդապետի) աստիճան ենշնորհում և փոխադրում իր հայրենի Հաղպատի վանքը... ավելի հավանական է, որ Սալավ-նովան վարդապետ ձեռնադրված լինի 1775 թվականին՝ կնոջ մահից յոթ տարի հետո Հաղպատում Սալավ-նովան լուսարարի պաշտոն է ստանձնում...»²:

Ինչպես տեսնում ենք՝ և՛ Ախվերդյանը, և՛ Հասրաթյանը որևէ կասկած չունեն Սալավ-նովայի՝ Հաղպատում լինելու մասին, նրանց տարակարծությունը վերաբերում է թվականին. 1770, թե՛ 1775: Այս կապակցությամբ հայ գրականության դպրոցական դասադրքում ասված է. «Կնոջ փախճանվելուց հետո (1768 թվականին) Սալավ-նովան ստիպված է լինում գնալ Հաղպատի վանքը և դառնալ կրոնավոր»³:

Բայց կարո՞ղ էր Սալավ-նովան 1768, 1770 կամ 1775 թթ. Հաղպատում լինել. այս խնդիրն է, որ մեր նախորդներին չի՛ հետաքրքրել:

Հիմք ունենալով Հովհաննես Ղրիմեցու «Պատմություն հոշակաւոր վանից Հաղպատայ Ս. Նշանին» աշխատությունը, Սիմեոն Երեանցի կաթողիկոսի կոնդակները, Հաղպատի պատմական անցյալին լավատեսլիկ Ռոստոմ Բեզերգեկյանցի գիրքը, ինչպես և բազմաթիվ ուրիշ նյութեր, մենք գրել ենք, որ Նազիր Շահի մահվանից հետո մինչև 1777 թ., շուրջ երեսուն տարի, լեզգիների պարբերական արշավանքների, սրածուկությունների ու զերեվարության հետևանքով Հաղպատի վանքը ավեր ու անմարդաբնակ է եղել, հետևաբար Սալավ-նովան Հաղպատ կաշող էր փոխադրվել միայն դրանից հետո, բայց ո՛չ 1777 թ. առաջ:

Ե. Գրիգորյանը տարօրինակ պատճառաբանություններ է մեջտեղ բերում. «Զի կարելի չհավատալ Ղրիմեցուն, և նա իրոք նշում է, որ Հաղպատի երեք առաջնորդները՝ Գրիգորը, Զաքարիան և Ռեթևոսը շուրջ 30 տարի, հարկադրված, Հաղպատից տեղափոխվել էին ու նստում էին Թիֆլիսում: Այո՛, բայց ե՛րբ՝ 1747—1777 թթ.: Իսկ մեր ինչի՞ն են պետք այս թվականները: Չէ՛՝ որ բառ ավանդության Սալավ-նովան Հաղպատում եղել է դրանից հետո՝ 1770—1795 թթ. միջև» (էջ 96):

Կարգում ես ու զարմանում. մի՞թե Ե. Գրիգորյանը չի գրում, որ 1770 թվականը 1777-ից հետո չի գալիս, իսկ 1747—1777 թթ. մեզ անհրաժեշտ են նրա համար, որ իմանանք, թե ինչ վիճակում է եղել Հաղպատի վանքը և անտեղի չպնդենք, որ Սալավ-նովան Հաղպատ է փոխադրվել 1768, 1770 կամ 1775 թթ.:

Ե. Գրիգորյանը, հակառակ հանրահայտ փաստերին, չի ուղում բնդունել նաև, որ 1747—1777 թթ. Հաղպատավանքն ամայի ու անմարդաբնակ է եղել ու մի էջ առաջ Հովհաննես Ղրիմեցու հաղորդած տվյալների արժանահավատության մասին ասած խոսքերը («Զի կարելի չհավատալ Ղրիմեցուն...») մոռանալով, գրում է. «...խակապես ճշմարտություն է դա, թե մեր պատմիչին և աշխարհի բոլոր պատմիչներին հատուկ չափազանցություն կամ գույների բանձրացում» (էջ 97): Բայց ի՞նչ իրավունքով մենք չափազանցություն պիտի

² «Սալավ-նովա», հայերեն, վրացերեն, ադրեջաներեն խաղերի ժողովածու, կազմեք խմբագրից և ծանոթագրից Մորուս Հասրաթյան, Երևան, 1963, էջ XXXIII—XXXIV (այսուհետե՝ Մ. Հասրաթյան):

³ Մ. Մ. Կոբյան, Հայ գրականություն, դասագիրք միջնակարգ դպրոցի VIII դասարանի համար, Երևան, 1970, էջ 124:

համարենք Ղրիմեցու «Թողու զմեկուստանս ամայի և զնայ հանդերձ միաբանիմ ուխտիս ի Տփղիս Բաղաբ»⁴ շատ որոշակի ասած խոսքերը և Շ. Գրիգորյանի նման պնդենք, թե «հնարավոր է, իհարկե, որ լեզգիների անընդմեջ հարձակումների հետևանքով Հաղրատի առաջնորդները հիշյալ 30 տարիների բնթացքում (1747—1777 թթ.) հարկադրված լինեին Թիֆլիսում նստելու, ուր նրանք կարող էին լինել ու լինում էին ցանկացած ժամանակ, անկախ երկրի քաղաքական վիճակից: Չէ՞ որ թեմը կոչվում էր Հաղրատի և Թիֆլիսի թեմ (?!)... առաջնորդներն էլ, ուր կամենում, այնտեղ նստում էին: Բայց առաջնորդների Թիֆլիս տեղափոխվելը Հաղրատավանքի գործունեության վրա չէր կարող ազդել, ինչպես որ լեզգիների ձեռքից տնավեր եղած հաղրատցիների փախուստը, որ կարող էր ամիսներ տևել, իսկ որոշ դեպքերում նաև մեկ-երկու տարի, չի նշանակում, թե դուրս կործանվել էր»:

Իսկ միաբանների փոխադրվելը, ուզում ենք հիշեցնել Շ. Գրիգորյանին, որոնց նա, չդիտես ինչու, մոռացության է մատնում: Չէ՞ որ Հր. Ղրիմեցին պարզ ու որոշ գրել է, որ Հաղրատի առաջնորդները վանքն ամայի թողնելով՝ միաբանների հետ միասին եկ Տփղիս փոխադրվել: Մի՞թե ամայի և առանց միաբանների մնալը վանքի գործունեության խափանում չի նշանակում:

Այնուհետև Շ. Գրիգորյանը շարունակում է. «Թուրքերը և լեզգիները սրբնթաց զալիս անցնում էին՝ ճանապարհին պատահածը թալանելով, հազվագյուտ դեպքերում հաստատվելով որոշ տեղերում մեկ-երկու օրով կամ շաբաթով: Ի՞նչ հարկ ունեին... և ինչպե՞ս կարող էին և նաև ի՞նչ միջոցներով բանդելու գյուղերն այնպես, որ այլևս այնտեղ մարդիկ բնակվել չկարողանային: Եվ այդ ինչ նպատակով՝ պետք է արվեր, և ե՞րբ է նման բան արվել առհասարակ...» (էջ 97, ընդգծումներն այստեղ և ամենուր իմն են—Պ. Հ.): Այս տողերով Շ. Գրիգորյանը բաց է թողնում ազավազում է պատմությունը:

Այս ձևով «հայտնագործելով» ճշմարտությունը 1747—1777 թթ. Հաղրատի վերաբերյալ, Շ. Գրիգորյանը ձեռնարկում է մեկ այլ խնդրի՝ փաստերով ցույց տալ, որ «հիշյալ 30 տարիների մեջ Հաղրատն իրոք բնակելի է եղել, կյանքը չի դադարել այնտեղ» (էջ 98):

Չնայած որ Հաղրատի վանքի, հարակից շրջանների, կամ ինչպես այն կոչվում է վրաց մատենագրության մեջ՝ Սոմխեթի ամայությունը XVIII դ. 40—70-ական թթ. լեզգիների արշավանքների հետևանքով, հանրահայտ իրողություն է, բայց որովհետև մեր ընդդիմախոսը երկրայելի է համարում նաև այդ և օրերի ու ամիսների գործ միայն, ավելորդ չենք համարում մի քանի քաղվածք կատարել սկզբնաղբյուրներից.

1747... «Լեզգիների գորքը Սամշվիլցեից ելնում՝ ավերում էր Սոմխեթի ձորը ու [ավարը] բերում Սամշվիլցեի բերդը: Նեղվեց Սոմխեթի ձորը, [Սոմխեթից] չկարացին ապրել իրենց տեղերում. Սոմխեթի մելիքն ևս տեղահան եղավ իր տուն ու տեղով և ձորտերով, նմանապես և Արղուիսաշվիլցեից: Բովանդակ Սանահնի ձորը և Հաղրատի ձորը, իջան քաղաք [Տփղիս] և քաղաքից միասին գնացին Մուխրան, ուր Մուխրանի տեր Կոնստանտինեն նրանց տեղ տվեց ու իր հողում բնակեցրեց: Լեզգիները Սոմխեթում՝ Բուխիսից և Սամծեր[իս]ից գատ՝ ո՛չ մի տեղ այլևս շինություն չկար: Օրբելիանների երկիրն

⁴ «Յովհաննու Ղրիմեցու Պատմության հոշակաւոր վանից Հաղրատայ ա. նշանի», հրատ. Հ. Ոսկյան, Վիեննա, 1955, էջ 116:

(հայրենիքը) ևս այնպես դատարկվեց, որ Դմանիսից և Փիթարեթից զատ ո՛չ մի տեղ այլևս շինություն չկար...» (125—126)։

1750 «Լեզգիների զորքն յոթ հազար հեծյալից բաղկացած՝ գնաց և հարվածեց Ղազախի երկրին, շատ ավար և զերի տարավ...» (134)։

1752 «Լեզգիների զորքը բերին (թաթարների առաջնորդ Հաջի Ջալաբը և զործակիցները — Պ. Հ.) և կանգնեցրին Ղազախում և Բորչալուում. սրանց միսունում էին տեղական զորքերն ևս և վերջինների առաջնորդությամբ ավերում էին Սոմխիթն ու Սաբարաթաշվիլոն... որքան էլ Սոմխիթ-Սաբարաթաշվիլոյում հաց կար, բոլորը տարան։ Այսպիսի վնաս զվրբաշն էլ չի հասցրել, ինչ սրանք արին...» (140)։

1753 «Լեզգիները բազմաթիվ զորքով իջան Դաղստանից, հասան Բամբակի երկիրը, ավերեցին Բերդերը, զերեցին, բռնաջինջ արին, անթիվ զերի ու ավար տարան...» (143)։

1754 «Սոմխիթ-Սաբարաթաշվիլոյի տեղերն ավերակ էին դարձած և թըշնամիներով լի...» (143)։

1755 «Լեզգիների զորքը Սոմխիթի և Սաբարաթաշվիլոյի անտառներն ու ժայռերը մտան և այնտեղից սկսեցին ավերել քաղաք [Տփղիս]ի շրջակա գյուղերը...» (145)։

1757 «Թվին դատարկվեց Սաբարաթաշվիլոն, Սոմխիթը, Օրբելիանների հողը (հայրենիքը) և ոմանք գնացին Կախեթ, ոմանք անցան Վերին Քարթլի և [այլ] իշխանությունները (սաէրիսթոերի). ոչ մի տեղ այն կողմերում այլևս շինություն չէր մնացել...» (146)։

1770, 5. IV «Ավեր են Տաշիրը, Գուջարեթը, Սոմխիթը, որը մեծ և բազմամարդյ էրկիր է[ր], ուր քառասունից մեկն է մնացել... Սաբարաթաշվիլոն ավերված բազմամարդ էրկիր է, ուր հարյուրից մեկն է մնացել՝ խիզաններ» (157)⁵։

Ահա այս է իրողությունը 1747—1770-ական թթ. Հայաստանի հյուսիսային դավառների՝ Լոռու, Հաղբատի ու Սանահնի և հաքակից շրջանների մասին։ Կասկած չի կարող լինել, որ Հաղբատի վանքը, ինչպես և գյուղը, ուրիշ բազում բնակավայրերի հետ նույն ժամանակահատվածում ամայի, ավեր ու անմարդաբնակ են եղել։ Ամբողջ երկրամասում շեն են եղել միայն Բոլնիսը, Սամձևվրիսը, Դմանիսը և Փիթարեթը, իսկ սրանք էլ, ինչպես կարող է նկատել ամեն ոք, Հաղբատ գյուղի ու վանքի հետ ո՛չ մի առնչություն չունեն։

Տարօրինակ են, սակայն, Շ. Գրիգորյանի բերած «հակադիստերը», որոնցից մեկը իբրև թև 1751 թ. վախճանված Պետրոս վարդապետ Շնողցու տապանաքարն է։ Կ. Հաֆաղարյանի «Հաղբատ» աշխատությունից արտադրելով վարդապետի տապանադիրը, նա գրում է. «1751 թ., այսինքն՝ 40-ական թթ. մի ամբողջ տասնամյակ հետո (?), Հաղբատի Ս. Նշան մայր եկեղեցու գանդակատան մոտ՝ հյուսիս-արևելյան պատի տակ, հաղբատցիք ամփոփում են շնողցի Պետրոս վարդապետի աճյունը... դնում են... տապանաքար... վրան փորագրված «Թվին ՌՄ»։ Ինչպես գիտենք, Հաղբատը գտնվում է բարձր ու անառիկ սարերի վրա, ուր հիմա ավտոմեքենան ոլորապտույտ բարձրա-

5 Լ. Մ. Մելիքսեթ-Բեկ, Վրաց աղբյուրները Հայաստանի և հայերի մասին, հատ. Գ, Երևան, 1955 (էջերը նշված են հատվածների վերջում)։ Վերջին վավերագիրը կազմված է Հերակլ II-ի համար ու նրա կարգադրությամբ։

նում է հազիվ կես ժամում: Մերձակա գյուղեր չկան (?!)։ Ո՞վ, ինչպե՞ս և ինչու՞ իր մեռելը պիտի բերեր այստեղ թաղելու, և ո՞վ պիտի տաշեր որձաքարից պատրաստած այս մահարձանը... Ցավոք, միայն եղակի և խիստ արժանավոր անհատների շիրմաքարերն են արձանագրությամբ առանձնանում... Այլապես մեկի փոխարեն մենք մի շարք շիրմաքարեր կարող էինք հիշատակել...» (էջ 98—99)։

Ամբողջ XVIII դարում Հաղբատում Շ. Գրիգորյանը ո՛չ մի շիրմաքար չի կարող ցույց տալ. այս առաջին, որովհետև այդ դարում շատ քիչ տարիներ է այն բնակիչի եղել։ Երկրորդ՝ 1751 թվականը 40-ական թթ. մի տասնամյակով չի բաժանվում։ Եվ երրորդ՝ եթե Շ. Գրիգորյանը ավելի ուշադիր կարդար Կ. Ղաֆաղարյանի «Հաղբատ» աշխատությունը, ապա կտեսներ, որ Շնողցի Պետրոս վարդապետը այլ ոք չէ, քան Հաղբատի վանահայրը 1836 թ. հետո (էջ 277), հետևաբար՝ ութսունհինգ տարի առաջ՝ 1751 թ., մեռած ու թաղված չէր կարող լինել, իսկ եթե կարդար Կ. Ղաֆաղարյանի օգտագործած սկզբնաղբյուրները, տվյալ դեպքում Ռոստոմ Բեգ Երզնկյանցի «Հնախօսական տեղագրութիւն Հաղբատայ...» գիրքը, ապա վերջինիս 54 և 88 էջերում կտեսներ, որ Պետրոս վարդապետը վախճանվել է 1846 թ., Ռ. Երզնկյանցի օրերում (այսուրս մեր)։ Կիմանար նաև, որ այդպիսի մահարձան Հաղբատում չի եղել ո՛չ Ղրիմեցու ժամանակ՝ 1822—1827 թթ., ո՛չ էլ Ս. Ջալալյանի օրոք՝ 1842 թ.։ Իսկ եթե լավ զննեն տապանաքարը կամ Կ. Ղաֆաղարյանի հրատարակած լուսանկարը, կտեսներ, որ արձանագրությունը բաղկացած է 9 տողից և վերջին տողի վրա միայն մեկ տառ է կարդացվում՝ Մ, մինչդեռ մնացած գրերից նշմարվում է մեկ-երկու գծիկ, այն էլ տողի վերջում։ Եվ երբ այդ նույն տապանագրի՝ Ռ. Երզնկյանցի հրատարակությունը (այստեղ հայկական թվականը վերածված է արաբականի) բաղդատեր բուն արձանագրության հետ, կտեսներ, որ IX տողի վրա գրված են եղել 1846 թվական նշանակող հայերեն տառեր, որոնք ՂՆ պիտի լինեին, այսինքն՝ 95, որովհետև ՌՄ (1200) + ՂՆ (95) + 551 = 1846 թվական։ Չենք ասում արդեն, որ ամենաանճարակ փորագրողն անգամ, երբ տողի վրա բավարար տեղ կա, երկու տառանոց թրվական արտահայտող բառը (ՌՄ) տողադարձ չէր անի և մի տառը (Մ) փոխադրի հաջորդ տող։ Եթե այս բոլորն արած լիներ Շ. Գրիգորյանը, վերևի տողերը հազիվ թե գրած լիներ, հազիվ թե երկրորդ անգամ պնդեր, որ «Անտոնս վարդապետը» թաղվել է «եկեղեցու գավթում» (էջ 99), մոռանալով, որ այդ տապանաքարը զանգուկատան հյուսիս-արևելյան պատի տակ է, իսկ զանգակատան պատը և եկեղեցու գավթը տարբեր բաներ են։ Եվ սա եզակի չէ. մի երկու էջ առաջ էլ Շ. Գրիգորյանը խոսում է «Կախի վանքի» մասին (էջ 95), երբ հայտնի է, որ այդպիսի վանք գոյություն չի ունեցել։

Շ. Գրիգորյանի բերած հակափաստարկներից մեկն էլ բանասեր Աղ. Նրիցյանցի «Ахпатский монастырь»⁶ հոդվածի մի հպանցիկ ակնարկն է, ըստ որի Հաղբատ գյուղը «մի քանի տարի անմարդարնակ լինելով, կրկին բնակեցվել է 1766 թ.» և որ վրաց Հերակլ թագավորը 1749—1779 թթ. միջև հինգ անգամ արշավել է Հայաստան և «1769 թ.» այցելել է Հաղբատ (էջ 99)։

Նկատենք այս առնչությամբ, որ Հերակլ II-ի Երևան արշավելը (այն էլ հինգ անգամ) մինչև 1777 թ. ոչնչով չի փոխել արդեն բնակիչներից թափուր

6 Տե՛ս «Кавказская старина», 1873, № 3.

Հաղբատի վիճակը և հետո՝ Երիցյանցի հաղորդման մեջ առկա է սովորական անուշադրության վրիպակ: Նրան ժամանակակից, բնիկ հաղբատցի Ռ. Եր-
կրնկյանցը դրել է. «Լեզկիք ի սկզբան ժի դարուն իսպառ աներեցին զՀաղ-
բատ. արարին զայն իբրև ամալի անապատ և մնաց թափուր ի բնակչաց
մինչև ց1776 ամն»: Երկրկյանցը պնդել է նաև, որ «Լեբրահամ արքեպիսկո-
պոս յաուրս Հերակլ արքայի Վրաց մարզաբնակ արար զիղն Հաղբատ և
պայծառացոյց զվանքն 1776 ամի»: Նա ասում է, վերջապես, որ, «Հաղբատ
և շրջակայ գիւղօրայի նորա բնակիչար մնացին անմարդարնակ իբրև ամալի
անապատ, մինչև ց1776 ամն. բայց... ի ձեռն Աբրահամ վարդապետի...
վերստին նորոգեցաւ զՀաղբատ, աբար շեն և մարդարնակ»⁷:

Անկախ այն բանից, որ 1776 թ. պետք է լինի 1777, որովհետև Աբրահամն
այդ տարի է Հաղբատավանքի առաջնորդ կարգվել, Հաղբատին անդրադառ-
նալիս մենք նրա պատմիչին ենք հավատում, և ո՛չ Շավիղ Գրիգորյանի այն
ենթադրությանը, թե 1766 կամ 1769 թթ. «անխափան զործում էր վանքը և
նրա շրջակայքում ապրում էր հայ շինականը» (էջ 99):

Աղ. Երիցյանցի խոսքերը Հաղբատի իրական վիճակը 1747—1777 թթ.
միջոցին պարզելու համար որևէ նշանակություն ու արժեք չեն կարող ունե-
նալ նաև այն պատճառով, որ 1760—1770-ական թթ. ապրում էր ամենայն-
հայոց կաթողիկոս Սիմեոն Երևանցին, որը 1766 թ. սեպտեմբերի 8-ին իր Հի-
շատակարանում արձանագրել էր տվել հետևյալ տողերը. «Նախկին կամք
սրբազան Վեհին էր այն, զի... Տէրունի լիցի թեմն Հախպատու, որովհետև
այժմ աներակ կայր սուրբ վանքն (ըստ որում Աղէսանդր սրբազան Հայրա-
պետն աբարեալ էր Տէրունի, վասն աներիւնյ վանիցն): Այլ ո՛չ Արքայն Հե-
րակ և ո՛չ Զաքարիա վարդապետն և ո՛չ ժողովուրդը Քաղաքին, որք Հախ-
պատու էին թեմ, կամ էին լինիլ այսպէս, այլ ասէին թե՛ զանուն Առաջնոր-
դութեան Հախպատու ո՛չ կամիմք թէ պակասեցի ի միջոյ մերմէ, այլ ի Քա-
ղաքիս ի միջի մերում նստիցի, որքան աներ կայ սուրբ վանքն»⁸: Կաթողի-
կոսն, ինչպես տեսնում ենք քաղվածքից, «Հաղբատի թեմ» անունն անդամ-
ուզում էր վերացնել, որովհետև վաղուց վանքն ավեր էր:

Շ. Գրիգորյանը կշտամբում է մեզ, որ վատ ենք օգտվում «քննարկվող
շրջանի վերաբերյալ գոյություն ունեցող տպագիր և արխիվային նյութերից»,
չենք թերթել «հանրահայտ աշխատությունները», և, որքան էլ տարօրինակ
է, մատնանշում է Հովսեփ Էմինի Հուշապատումի հայերեն թարգմանությու-
նը՝ տպագրված Բևրուսթում, 1958 թ.:

Կարդացել ենք Հովսեփ Էմինի Հուշապատումը թե ոչ, էական չէ. բանի
որ դրանից հետո Սայաթ-Նովայի հաղբատյան կյանքի մասին մեր պրածը
չպիտի փոխվեր: Էմինը խոսել է 1763 թ. հուլիսի իր ուղևորության: մասին, իսկ
այդ ժամանակ վանքն ու դյուղը լիակատար ամայի էին, եթե անդամ Աղ.
Երիցյանցի տվյալներով էլ առաջնորդվենք: Ի՞նչ է ասել, սակայն, Էմինը՝
ըստ Շ. Գրիգորյանի քաղվածքի (արտագրում ենք տառացի—Պ. Հ.). «Էմինի
փափագն էր, որ իր նորագիր քսան և չորս զինվորներուն հետ երթան Հաղբա-
տի թեմը, որ երկու օրվա ճամփա հեռու էր Թիֆլիսեն՝ դեպի հարավ-արև-

7 Ռ. Երկրկյանց, Հնախոսական տեղագրութիւն Հաղբատայ, էջ 10, 88, 113:

8 «Դիվան հայոց պատմության», գիրք Գ, Թիֆլիս, 1894, էջ 531—535:

մուտք։ Այս շրջանի լինակիչները մասամբ առևանգված էին ասպատակողներ և մասամբ էլ զաղրած էին Կախեթ՝ իշխանի ժառանգական հայրենիք՝ ապրելու համար վանքի մեջ։ Լեզգիներն ընդհանրապես այս ամառի և լեռնային ներքի մեջ է, որ կունենային իրենց ժամադրությունը» (էջ 99—100)։ Ընդգրծված բառերը ով էլ կարդա, պարզ կտեսնի, որ էմինի ժամանակ Հաղբատը ամառի էր և էմինն ինքն էլ այդ վկայում է։ Շ. Գրիգորյանին չեն կարող փրկել նաև մեջ բերած անդերևն մի-երկու բառը՝ «to the inhabited bishopric of riaghpat», որովհետև դրանք ևս հաստատում են, որ Հաղբատի քամի մի մասն է միայն եղել բնակելի, և ո՛չ վանքը, քանի որ թեմը ուրիշ բան է, վանքը՝ ուրիշ։

1747—1777 թթ. ընթացքում Հաղբատի վանքն ավեր ու անմարդաբնակ լինելը հերքող Շ. Գրիգորյանը իր վերջին փաստաթուղթը, որքան էլ զարմանալի է, բերում է Հովհաննես Ղրիմեցու «Պատմությունից» և ուշադրությունը բեռում է այն հատվածի վրա, որ նկարագրված է Մխիթար Քալանթարի 1776 թ. դեպի Հաղբատ կատարած այցելությունը, ըստ որում ո՛չ թե ուղղակի մեջբերելով, այլ իր ուզած ձևով վերապատմելով և շեշտը դնելով Սխիթար Քալանթարի՝ Հաղբատում մորթած անասունների և արած քեֆի վրա։ Տարակարծության տեղիք չտալու համար արտադրում ենք Ղրիմեցու «Պատմության» այդ հատվածը.

«...եւ ի նմին ամի ի շրջիլ նորա (Մխիթար-Քալանթարի—Պ. Հ.) բազմութեամբ տանուտեալս իւրոց և յոյով սպառագինելոց և քանի մի եկեղեցականաց, ընդ ամենայն արանց իբրեւ եօթանասնից, ի զնին սահմանաց Շուշաւերայ, և մերձակա սահմանակից վայրաց, դէպ լինէր զալ նմա մինչև ի սահմանս նոր Պղնձահանքին... որ է հանդէպ Հաղբատայ... տեսանէ զվանս Հաղբատայ և Սանահնի... իջանէ ի լեռնէ անտի իւրովքն հանդերձ և դայ նախ ի Հաղբատ. և մտեալ զառաջինն յաւազ եկեղեցին որ նշանի, երկրպագէ ի նմա Բարձրելոյն Աստուծոյ և ապա հալեցեալ ի խրթնութիւն նորա և յանջութիւնն, զի այլ աւագակաց էր լեալ՝ ի բազում ժամանակաց հետէ յամայութեան կալով. յարտասուս հարկանի այդն բարեպաշտ և զի ազտեղեալ էին բովանդակ եկեղեցիք ուխտիս յաւագակաց անտի. և բազմութիւն բուսոց և քիօց խիտ առ խիտ բուսեալ զնոֆօֆ, ծածկեալ ունէին զզոյսն նոցա և զորմունս առ հասարակ, վաղվաղակի հրամայէ բազմութեան արանցն՝ սրբել և մաքրել և զամենայն բոյս և տունկ առ հասարակ յարմատոց խել։ Ի կատարիլ հրամանին, սրբել նաև քանակական օրհնութեամբ, ի յաջորդ աուրն տայ պատարագել զՔրիստոս յեկեղեցոջ անդ սուրբ նշանին և յաւարտիլ պատարագին՝ զենեալ նաև զյոյով մատաղս առնէ նաւակատիս խնջոյից և խրախութիւն ամենայն բազմութեանն (այսինքն՝ իր ուղեկիցների համար—Պ. Հ.) մեծահաց հանդերձանօք... յիտ կատարելոյ աստեն, զայնպիսի հանդէս և զգործս բարեպաշտութեան, դարձ առնէ իւրովքն ի Շուշաւեր... Այս ամայութիւն սկսեալ էր ի մահուանէ անտի Նատրշահայ, որ եղև լեռնսաց ասպատակութեանց Ալանաց կամ Ղեկաց, որք են Լէկդիք... ամայացան յոյով զիւղորայ և վանորայ և զաւառֆ, բնդ ուս և այս մահաստան և զիւղ նորա Հաղբատայ առ ցրուելոյ և խոյս տալոյ բնակչաց սոցա յամուս և զանբոյթ տեղիս»⁹։

⁹ «Յովհաննես Ղրիմեցույ Պատմութիւն», էջ 121—122։

Այս կարևոր հատվածները կարդալուց հետո փոխանակ ուշադրություն դարձնելու մեր ընդգծած էական կետերի վրա, որ պարզորոշ վկայում են գյուղի և վանքի ամայության, միաբանության հեռանալու, վանքը ավազակների կողմից պղծվելու և ապականվելու մասին, Շ. Գրիգորյանը արտադրում է «զեննալ նաև գյուղով մատաղս, առնէ նաւակատիս խնջոյից և խրախուսեան ամենայն բազմութեանն մեծահաց հանդերձանօք» տողերը, որ ժամանակակից հայերենով նշանակում են՝ «մորթելով նաև շատ մատաղ, մեծ սեղան պատրաստելով՝ ողջ բազմության համար կատարում է խրնջոյքի և ուրախության տոն», — բացատրում է, որ իբրև Մխիթար Քալանթարը «բազում անասուններ [է] մորթում», կշտամբում է մեզ, ոչ այլ տողերը դիտավորյալ դուրս ենք թողել, քանի որ «Ղրիմեցին նկատի ունի Հաղբատի բնակիչներին, որոնց անասուններն է, որ պիտի մորթվեն «մատաղի» համար» որ մենք հասուկ նպատակով Մխիթարին ու նրա 70 ուղեկիցներին ուխտավոր ենք դարձրել, «սրովհետև միայն ուխտավորները կարող էին իրենց հետ անասուն բերել մատաղի համար», և վերջապես տալիս է իր վերջնական դատավճիռը. «Ինչ վերաբերում է վանքի անտերունչ փհակին... ապա դա բնավ ապացույց չէ այն բանի, որ 1740-ական թթ. հետո վանքը կատարյալ ամայի ու ավեր է եղել» (էջ 100—101) և այլն:

«Մատաղ» բառը մեր հորինածը չէ, Ղրիմեցին է գրել: «Բազում անասուններ մորթելու» մասին Ղրիմեցու մոտ խոսք չկա, և մենք չէինք կարող այդպիսի բան հերյուրել: Վերջապես՝ Հաղբատի գյուղացիների մասին Ղրիմեցին ոչինչ չի ասում, այլ միայն՝ Մխիթար Քալանթարին ուղեկցող բազմության: Ինչպե՞ս կարելի է Ղրիմեցու խոսքերով Ղրիմեցուն հերքել, երբ նա ամեն բան այնքա՛ն որոշակի է ասել:

Եվ այսպես՝ ըստ պատմական վավերագրերի 1777 թ. Հաղբատի վանքը ղեռ ավեր ու անմարդաբնակ էր, բայց գյուղն այդ տարվանից, ըստ Երզրնէյանցի, արդեն շենացել էր: Վանքի վերաշինումը կամ իրական վերականգնումը տևական ամայությունից հետո տեղի է ունեցել 1778-ին: Այդպես է ասված Սիմեոն Երևանցի կաթողիկոսի Հիշատակարանի մեջ, իսկ վերջինս, ինչ խոսք, հայկական վանքերի իր օրերի վիճակը ավելի ստույգ պիտի իմանար. շուն մեր օրերի մարդիկ: Համաձայն այդ հիշատակարանի՝ Սիմեոն Երևանցին 1777 թ. սեպտեմբերի 5-ին, ընդառաջելով Հերակլ II թագավորին և փոխադրված բնակվող հաղբատցիներին, Երուսաղեմի նվիրակ Աբրահամ վարդապետին կարգում է Հաղբատի առաջնորդ և անհրաժեշտ կարգադրություն անում շահագրգռված անձանց՝ օգնելու նրան, որ վերաշինվի Հաղբատը. «... արքայն Հերակլ գրեալ էր սրբազան վեհին, քի կամիմ շինել զՀախալատ, Աբրահամ վարդապետն առաջնորդ արա նոյն վանիցն և իւր բոլոր վիճակին... Զսոյն խնդիր և Հախալատու վանից թեմի ժողովո ըղքն ևս որք ի Թիֆլիզ՝ գրեալ էին բազմակնիք թղթով առ սրբազան վեհն: Եւ սրբազան վեհն կատարելով զխնդիր նոցա, գրեաց զկոնդակ առաջնորդութեան համառօս ի վերայ ամենայն թեմին և վիճակին Հախալատու վանից. ընդունիլ զնա ինքեանց առաջնորդ՝ և օժանդակել նմա ի շինութիւն վանիցն այնմիկ: Թուղթ ևս առ նոյն նոր առաջնորդ Աբրահամ վարդապետն գրեաց... որեմն՝ ճնտեկաց վանից շինութեան... Թուղթ ևս առ Հերակլ Արքան գրեաց... ծանուցանելով զկատարումն խնդրոյն... ուրախացաւ վասն բարի յիշմանն իւրոյ, որ կամէր նորոգել զՀաղպատ, ասելով ևս՝ թէ տացէ, տէր, զի և այլոց վանօ-

րևից և սրբուրեանց վայրաց ունիցիս զղոյն, հանդերձ յաջող ժամանակու և խաղաղութեամբ, զի շինեսցես զնոսա ևս, ի պայծառազարդութիւն և ի ճութութիւն օրհնեալ անուան քոյ և թաղաւորութեան... յորդորումն, մնալ հաստատ ի վերայ նոյնոյ դիտաւորութեան, առ ի շինել զսուրբ վանքն զայն»¹⁰:

Աբրահամը, սակայն, ինչ-ինչ մասնավոր դիտավորություններով, ձգձրգում էր կատարել կաթողիկոսի հանձնարարությունը Հաղբատի վանքի վերաշինման վերաբերյալ և այդ ու հաջորդ տարվա մեծ մասը մնում է Տփղիսում: Այս բանը Սիմեոն Երեւանցուն խիստ զայրացնում է, և նա 1778 թ. մայիսի 14-ին ու նոյեմբերի 10-ին նրան ուղղում է հանդիմանության և մեղադրանքի կոնդակներ: Առաջին կոնդակում ասված է. «Այնու անումբ եղև սա Առաջնորդ՝ զի երթեալ շինեսցէ զՀաղպատ՝ և անդ նստցի, իսկ այժմ ո՛չ շինելոյ նշան գոյր, և ո՛չ անդ գնալոյ: Զի զրէին թե՛ կամի զմասնաւոր շինութիւն ինչ արկանել անդ, և զմի ոմն իւրեան վէթիլ հաստատել և զնել անդ՝ և ինքն ի քաղաքոջն նստիլ: Վասնորոյ և զայս ևս յերեսն բերելով զրեաց թէ՛ մեք զքեզ այնու անումբ արարաք Առաջնորդ՝ որ բազմաժամանակեալ աւեր տունն զայն շինեալ անդ նստցիս. իսկ այսպէս ո՛չ առնես, ապա զի՞նչ հարկ էր երկու Առաջնորդ նստիլ յայդ քաղաքի, և ներհակ միմեանց վարիլ. լինիլ զայթակղութիւն ժողովրդոց, և մեղ առիթ զգուանաց և զխացաւորեանց... Եւ առ այսոսիկ յանդիմանութիւն յոյժ, և պատուէր... Երբալ զՀախպատ շինել՝ և անդ նստիլ»¹¹: Երկրորդ կոնդակում կարգում ենք. «Առաջնորդն Հախպատու ի վանքն իւր նստի և ո՛չ ի քաղաքդ (Տփղիս—Պ. Հ.), զի քաղաքդ ի բնէ անտի Ոթոռոյս է Առաջնորդարան, և ոչ այլում: Այդ սեպուխդ ևս (Աբրահամը—Պ. Հ.) եթէ ի վանքն ոչ նստիցի, ոչ է Առաջնորդ և ոչ կարէ եպիսկոպոս լինիլ... քանզի... Հախպատ երթալ ո՛չ կամի, այլ Կաթողիկէ եկեղեցին Հախպատու թեմ է շինեալ և իւր Առաջնորդն ևս անդ կամի նստիլ միշտ...»¹² և այլն:

Այս մեծարժեք վավերագրերը կարգալուց հետո ամեն մարդ Հաղբատի վանքի վերաշինումը կամ նոր բնակեցումը պետք է հաշվի 1778 թ. կեսերից, հետեւապես Սայաթ-Նովան այդ տարվանից միայն կարող էր Հաղբատում լինել:

Բայց չէ՞ որ 1765-ից Սայաթ-Նովան քահանա էր Կախի ավանում, որ տքսորի պես մի բան է, ինչո՞ւ հանկարծ նրան ավելի պատվավոր պաշտոնի էին փոխադրում և Հաղբատի վանքի լուսարար դարձնում:

Մեր նախորդ հոգւածում համառոտակի գրել էինք, թե ինչու այդպես ստացվեց: Բայց մեր ընդդիմախոսը, ըստ երևույթին, լավ չի հասկացել: Ստիպված ենք կրկնելու:

Սայաթ-Նովայի կյանքի մասին կնոջ մահվանից հետո դատողություններ տնելիս պետք է լավ իմանալ հետեւյալ ճշմարտությունը. «Կին քահանային եթէ վախճանի ի վաթսնամենից ի վեր, քահանայն կացցէ յեկեղեցւոջն, ապա եթէ ի մանկութեան հանդիպի՝ երթալ առ ուխտականս և անդ լինել մինչև ցվախճան... և եթե ո՛չ՝ եղիցին նդովեալ»¹³: Տակավին IV դարում սահման-

10 «Գիվան հայոց պատմության», գիրք ԺԱ, Թիֆլիս, 1913, էջ 164—166:

11 Նույն տեղում, էջ 269—271:

12 Նույն տեղում, էջ 382:

13 «Կանոնագիրք Հայոց», աշխատասիրությամբ Վ. Հակոբյանի, հատ. Բ, Երևան, 1971,

ված և X—XI դդ. Հայոց Կանոնագրքի մեջ ներմուծված այս կետը շատ խիստ էր պահպանվում: Հիշենք դեթ XII դարի միջնադարյան Հայաստանի պատկանելի հոգևոր գործիչներից մեկի՝ Ներսես Շնորհալու հայտնի խոսքերը, որոնք հետաքրքրասերները կարող են կարդալ նրա նամակների հատորում¹⁴: XVIII դարի երկրորդ կեսին էլ հայոց եկեղեցու պետերը շատ խիստ հետևում էին այս նույն օրենքին: Սիմեոն Երևանցի կաթողիկոսը 1778 թ. նոյեմբերին դրած կոնդակներից մեկում, վերհիշեցնելով Կյուրեղ Երուսաղեմացու հայտնի խոսքերը, հրահանգում էր. «Քահանայ որ կոյս իցէ և կամ այրի, և աշխարհի քահանայութիւն արասցէ, ընդ նշովիւք է ինքն և ընդունողքն»¹⁵:

Կնոջ մահվան տարին, 1768-ին, Սայաթ-Նովան շուրջ 50 տարեկան էր, հետևաբար, ուզեր թե շուրջ, պիտի փոխադրվեր վանք, որպեսզի չարժանանար նշովքի: Կախի ավանի երեցը Հաղբատի թեմի առաջնորդին էր ենթակա, իսկ Հաղբատի վանքը 1768 թ. շատ առաջ անմարդաբնակ էր, առաջնորդը միաբաններով հանդերձ բնակվում էր Տփղիսում, Բերդի մեծ կամ կաթողիկե եկեղեցու բակի շենքում, որ վերածված էր առաջնորդարանի: Այստեղ պիտի փոխադրվեր 1768-ին նաև Սայաթ-Նովան, այստեղ սպասավորներ, մինչև հարմար առիթ լիներ Հաղբատ մեկնելու: Բարեպատեհ առիթն, ինչպես տեսանք, ստեղծվեց 1778 թ. կեսերին, ավելի ճիշտ՝ մայիսից հետո: Միայն այսուհետև է, որ Սայաթ-Նովան Տփղիսից փոխադրվում է Հաղբատի վանք և սպասավորում Սուրբ Նշան վանքի տաճարում:

Մեր ասածը և՛ նախորդ հոդվածում, և՛ հիմա այդ է:

Շ. Գրիգորյանը այս դեպքում էլ առարկելու բան է գտնում: Նախ՝ առանց որևէ փաստի, 1777 թ. և հաջորդ տարիները հռչակում է Հաղբատի «հոգևոր գործունեության վերելքի շրջան» (էջ 101), մոռանալով, որ տեական ամայությունից ու ավերներից հետո բնակելի դարձվող վանքում շենքեր կառուցելն ու նորոգելը հոգևոր գործունեության վերելքի հետ կապ չունեն: Ընդհակառակը, Հաղբատում այդ տարիներին հոգևոր արժեքներ՝ ձեռագրեր են ոչնչացվել, որոնց մասին ցավով պատմում է Ղրիմեցին:

Այսպիսով թե «1777 թ. Հաղբատի առաջնորդ զարձած Արամիամ Թեփրտաղցին (Թեակեցին) արդեն փոխադրվել ու նստում էր Հաղբատում» (էջ 101), Ե. Գրիգորյանը ճիշտ չի շարադրում փաստերը, որովհետև 1778 թ. նոյեմբերին անգամ Աբրահամը դեռ Տփղիսում էր:

Հաղբատի վանքի նոր դատարկումը, ինչպես նաև Սայաթ-Նովայի մեկնումը Հաղբատից Տփղիս մենք դրել ենք 1784 թ., հիմք ունենալով նույն այդ տարին (1784 մարտի 12) Տփղիսում Տեր-Ստեփան անունով հոգևորականի՝ կաթողիկոսից վեղար ստանալու իրողությունը (նշանակում է՝ այդ Տեր-Ստեփանը այրի քահանայությունից վանակալ դարձած անձնավորություն էր և թերևս Սայաթ-Նովան, որի հոգևոր անունը նույնպես Տեր-Ստեփան էր), պատմաբան Հ. Խաչատրյանի՝ Մատենադարանում հայտնաբերած մեծարժեք վավե-

էջ 135, կանոն ճեթ: Չմոռանանք, որ քահանա էին ձեռնադրում միայն երեսուն տարեկանից (տե՛ս նույն տեղում, էջ 24), իսկ մանկական հասակը մինչև 60 տարեկան էր:

¹⁴ «Գիրք որ կոչի Ընդհանրական, արարելա... Ներսէսի Շնորհալույ», Սանկտպետերբուրգ, 1788, էջ 62:

¹⁵ «Գիվան հայոց պատմության», գիրք ԺԱ, էջ 367:

րադիրը Սայաթ-Նովայի որդիների, իբրև «Ղարիբական վաճառականներ», 1785 թ. մարտի 5-ին Ղզլարում բնակվելու վերաբերյալ և Ախվերդյանի գրառած ավանդական դրույքը Սայաթ-Նովայի՝ Հաղբատից Թիֆլիս փոխադրվելու դրդապատճառի՝ որդիներին ապահովության համար Հյուսիսային Կովկաս ճանապարհելու վերաբերյալ: Մանավանդ որ 1784 թ. լեզգիների ներխուժումը Վրաստան մեծ իրարանցում էր առաջ բերել ամենուր և առիթ դարձել զանգվածային գաղթի:

Վրաց պատմաբանները անդրադառնալով Գեորգիևսկի պայմանագրից, այսինքն՝ 1783 թ. հուլիսի 24-ից հետո պատահած անցքերին, գրել են. «Լեզգիների ամայացնող ասպատակությունները շարունակվեցին երեք տարի: Քարթլիի և Կախեթիայի բնակչությունը կրկին սկսեց պակասել: Նրանք, որոնք հնարավորություն ունեին, փախչում էին երկրից: Մնացածը փրկություն էր որոնում բերդերում»: Եվ վերջապես՝ «1785 թվականին Խունզախի (Ավարիայի) տիրակալ Օմար-խանը 20.000 զորքով մոտեցավ Կախեթիայի սահմանին: Հերակլ II թագավորի դրությունը ճակատագրական էր: Նա չէր կարող Քարթլիի ջոկատներն օգտագործել, քանի որ վախենում էր Ախալցխայի կողմից լեզգիների հարձակումից»¹⁶:

Մեր ընդդիմախոսը, սակայն, իր կանխակալ կարծիքն ունի, որ Հաղբատը միշտ էլ շեն է եղել: Եվ այս դեպքում էլ ընդարձակորեն վերապատմելով վաղուց հայտնի անցքերը հայտարարում է, թե ավարացիների Օմար-խանի հրոսակները Վրաստանում և Լոռիում են եղել 1785 թ. ամառը: Բայց ո՞վ զգիտի դա կամ ո՞վ է վիճարկում: Հաղբատի միաբանները ո՛չ թե պիտի սպանեին, որ Օմարը գար և իրենց թալաններ, կոտորեր կամ գերի տաներ, այլ օր առաջ զուխները ազատելու մասին պիտի մտածեին, ինչպես և անում են: Կարձ՝ մենք գրել ենք ո՛չ թե Օմար-խանի արշավանքի մասին դեպի Վրաստան, այլ լեզգիների Վրաստան ներխուժելու առաջին տարիների՝ 1783—1784 թթ. մասին և 1784-ն էլ համարել Հաղբատի նոր ամայության սկիզբ, հենվելով նաև Օ. Պ. Մարկովայի «Ռուսաստանը, Անդրկովկասը և միջազգային հարաբերությունները XVIII դարում» աշխատության մեջ առկա մի քանի վավերագրերի վրա: Զգիտես ինչու, Շ. Գրիգորյանը նախ հայտարարում է, թե «Դրանք խոսում են ո՛չ թե լեզգիների նոր հարձակման, այլ այդ հարձակման նախորդ շրջանում գոյություն ունեցող իրավիճակի մասին» (էջ 105), իսկ ապա ավելացնում. «Այն վավերագրերը, որոնցից օգտվել է Օ. Պ. Մարկովան և որոնք նկատի ունի Հակոբյանը... ավելի քան 150 տարի հայտնի են ամբողջ աշխարհին» (էջ 104) ու թվում մի շարք պատմաբանների ազգանուններ (Լևո, Աբ. Հովհաննիսյան, Մ. Ներսիսյան, Զ. Գրիգորյան և ուրիշներ):

Մարկովայի գրքում եղած և մեր օգտագործած նյութերը՝ գրված 1784-ին, սրանք են. «Появились и лезгинны. «Дороги все заражены в Грузии лезгинами, большею частью со стороны турецкой»,— рапортовал 6 июля (1784 г.— П. А.) С. Д. Бурнашев. П. С. Потемкин, побывавший в Тбилиси в сентябре и известивший князя Г. А. Потемкина о наступлении спокойствия в Закавказье, теперь был смущен. «Здесь, ваша светлость,— писал он,— извольте видеть, сколь трудно сделать прямое о тех делах и народах заключение», «Давно что такое замешательство не случалось в

¹⁶ «История Грузии», т. I, Тбилиси, 1946, էջ 438:

Грузии», — писал Ираклий П. С. Потемкину 29 ноября. Вскоре появились, правда, пока еще слабые надежды на улучшение обстановки. Той же осенью (1784 г.)»¹⁷.

Բայց չէ՞ որ ո՛չ լեռնի, ո՛չ էլ մյուսների գրքերում այս տվյալները չկան: Մեղադրական կարգալուծ առաջ պետք էր էջով ու թվականով ցույց տալ, թե որտեղից է Մարկովան արտագրել վերևի տողերը և նշանակել արխիվային այս համարները. «ЦГВИА, ф. 52, оп. 1/194, д. 331, ч. 6, л. 17—17 об., ч. 9, лл. 30—31 об. и 78—78 об.»:

Հաղբատի վանքի նոր ամայությունը դնելով 1784-ին և կապելով լեզգիների նոր արշավանքների բերած առաջին, շոշափելի աղետների հետ, մենք նույն ժամանակի ուսական պաշտոնական վավերագրերից բացի հենվել ենք նաև Հայոց կաթողիկոս Ղուկաս Կարնեցու կոնդակների վրա: Դրանցից մեկում, որ խորագրված է «Թուղթ առ Գէորգին Միրզա արքայորդին Վրաց, վասն Հաղպատայ անուանեալ առաջնորդ Դաւիթ վարդապետին, գրեցաւ յումի փրկչին 1792, և ի յուրիսի», ասված է. «... Թէ՛ գրով և թէ՛ բերանով, պատուիրեցաք համեստութեամբ և խաղաղութեամբ վարիլ, և զվանաց շինութիւն ջանալ... Այլ նա... ի յառնել լէզկեացն, զվանքն դատարկեալ եկն ի ֆաղաֆ, և ոչ ևս դարձաւ: Բազում ամայացեալ շինացան վերստին, իսկ նա ի վանիցն զայլոց շինեալ փայտակերտսն ևս ֆակեալ երեւ յայդր յորչ հաստատել ինքեան և զվանքն ամայի թողուլ»¹⁸:

Ահա և մյուսը՝ գրված նույն օրերին և ուղղված Հերակլ II-ին. «Դաւիթ սեպուհուն... առաջնորդ կարգեցաք սրբոյ վանիցն Հախպատու և մէր պատուէրն նմա այս էր... մանաւանդ զսուրբ վանքն զայն շէն և պայծառ պահեսցէ... Այլ նա... մինչ լէզկեաց յարուցումն Եղև, զվանքն դատարկեալ եկն յայդր, և ո՛չ ևս հոգաց դառնալ: Բազում ամայացեալք շինացան խնամօք Տեառն և Տիրաբար հոգացողութեամբ Աստուածազօր Արքայիդ Հերակլայ: Բայց նա ո՛չ միայն ոչ փոյթ արար դառնալ ի սուրբ վանսն և շինացուցանել, այլ զլառաջնմէ յայլոց շինեցուցեալ կերտուածսն ևս ֆակեալ երեւ յայդր մշտնջենապէս բնակութիւն հաստատել ինքեան» և այլն¹⁹:

Պակաս ուշադրավ չէ և կաթողիկոսի 1792 թ. հոկտեմբերի նամակը Հերակլին. «Մենք զգա եպիսկոպոս և առաջնորդ եմք արարեալ որ միաբանիմս ի վանքն նստցի և շինութիւն առնիցէ... առ ի տալ նմա դեղ ապաշխարհութեան և խայթ զգաստութեան լոկեցուցաք յեպիսկոպոսութենէն՝ պայմանաւ ժամանակի երկուց ամաց, զի զգուշացեալ յամենայն ցոփգնացից... միաբանիմս երթեալ ի սուրբ վանքն նստցի: Եւ Աստուածասէր օրհնեալ Արքայդ որ յաջողութեամբ Տեառն զթշնամիսն տէրութեանդ կորազլուիս արարեալ, զբազումս յամայացելոց երկրացդ շինացուցեր, Հաղպատայ ցրուեցեալ զիւղականացն ևս հրամայեցես ժողովիլ ի նոյն զիւղն իւրեանց, ի հաստատութիւն շինութեան սրբոյ վանացն...» և այլն²⁰:

Մեջբերումներից որոշակի երևում է, որ Դավիթը ո՛չ թե Օմար-խանի, այլ լեզգիների արշավանքը սկսվելու օրերից է Հաղբատի վանքը ավեր ու անմար-

¹⁷ О. П. Маркова, Россия, Закавказье и международные отношения в XVIII веке, М., 1966, էջ 180—181:

¹⁸ Միվան հայոց պատմության», գիրք Դ, Թիֆլիս, 1899, էջ 580:

¹⁹ Նույն տեղում, էջ 582:

²⁰ Նույն տեղում, էջ 590:

դաբնակ թողել, քանզի վայտաշեն կառուցվածքները և անգամ 1792 թ. նոյեմբերին և տ վերադառնալու մասին չէր էլ մտածում: Կաթողիկոսը խնդրում էր Հերակլին՝ ստիպել Դավթին առաջիկա երկու տարվա ընթացքում միաբաններն առնել ու Հաղբատ վերադառնալ, Հաղբատի ցրված դյուղացիներին հավաքել և իրենց գյուղը վերադարձնել:

Մի քանի օրինակ Ե. Գրիգորյանի հետագա առարկություններից ու «հիմնավորումներից» չենք կարող չբերել, որպեսզի պարզ դառնա նրա մեթոդը:

ա. Իբրև ապացույց, որ «Հաղբատը բնակելի է եղել նաև 1780-ական թթ.», նա վկայակոչում է Մ. Թաղիադյանին. «Գիտենք, որ Թաղիադյանն էլ այդ ժամանակ էր իրագործում իր հայտնի շրջագայությունը» (էջ 102): Բայց չէ՞ որ Թաղիադյանը ծնվել է 1803 թ. և դրանից քսան տարի առաջ չէր կարող «շրջագայել»: Երևի Ե. Գրիգորյանը կասի որ դա վրիպակ է...

բ. Նույն նպատակով նույն շրջանում նա Հաղբատում քահանայություն է անել տալիս ոմն «Տեր Մովսեսի»։ «Ավեր և անմարդաբնակ գյուղում 40 տարի ինչպե՞ս կարող էր ապրել Տեր Մովսեսը, ո՞վ էր խնամելու նրան և ո՞ւմ էր սպասարկելու նա» (էջ 102): Նախ՝ այսպիսի քահանա Հաղբատում երբեք չի եղել: Այդպիսի բան չկա ոչ մի գրքում: Ապա՝ Հաղբատ գյուղն ու Հաղբատի վանքը չի կտրելի շփոթել իրար հետ:

գ. Ցույց շտալով կաթողիկոսական մի կոնդակի թվականը (բնագիրը տե՛ս «Դիվան հայոց պատմություն», գիրք Դ, էջ 207), նա դրանից արտագրում է հետևյալ տողերը. «Թէ՛ շէն վանք ի յայդ միջոցսդ՝ Հախսլատ է լեալ և Սանահին», — և պնդում, որ Հաղբատը «1780-ական թթ. շեն» էր (էջ 103): Այստեղ խնդարյուրված է իրողությունը, որովհետև կոնդակը գրված է 1781 թ. նոյեմբերի 9-ին, իսկ այդ տարի ոչ ոք Հաղբատի վանքը անմարդաբնակ չի համարել:

դ. Ե. Գրիգորյանը հավաստի ճշմարտություն է համարում Թաղիադյանի «Ճանապարհորդություն ի Հայս» գրքում հիշատակվող Տեր-Ստեփան քահանայի «ահա քառասուն ամբ են, դի քահանայեմ աստ» արտահայտությունը (էջ 102, 106), մինչդեռ դա պարզ չափազանցություն է, վավերագրերով չհաստատված և Հաղբատի վանքի վիճակը պարզելու համար միանգամայն անարժեք. առօրյա չափազանցված խոսքը պաշտոնական փաստաթղթից գերադասելը սխալ է ու հակազիտական:

ե. Չհասկանալով՝ «Գրեցաք առ Հախսլատու թեմականսն» արտահայտությունը, նա պնդում է, թե Հաղբատի վանքում 1780—1790-ական թթ. «հոգեվորականներ, սպասավորներ... կային» (էջ 106): Այդ բառերը վերցված են Ղուկաս կաթողիկոսի՝ 1792 թ. կոնդակից և վերաբերում են Գորու հայերին, աշխարհիկ մարդկանց, որոնք Հաղբատի թեմի ծխերից էին, իսկ վանքն ու Գորին իրարից շատ էին հեռու²¹:

Հակասություններ ու անճշտություններ շատ կան Ե. Գրիգորյանի հոդվածի վերջաբանում: Մոռանալով հոդվածի սկզբի իր իսկ հայտարարությունը, թե «մասնադեպերից ո՛չ մեկը անվերապահորեն չի պնդել Սայաթ-նովայի հաղբատաբնակ լինելը» (էջ 95), այստեղ նա գրում է. «... Երբ համարյա բոլոր սայաթնովադեպերները սկսած Ախվերդյանից, հայ-վրացական բազմաթիվ ու բազմապիսի աղբյուրներից բաղված նյութերի հիման վրա գտնում են»

21 Տե՛ս նույն տեղում, էջ 582:

որ Սայաթ-Նովան իր կյանքի վերջին տասնամյակներն անց է կացրել Հաղբատում, Պ. Հակոբյանը կասկածի տակ է առնում այդ իրողությունը» (էջ 107): Այս դեռ բոլորը չէ. նա միտումնավոր ձեռք արժեքազրկում է հայկական աղբյուրները և գերադաս հռչակում միայն Հովհան արքայազնի «Կալմասոբան», որը, ինչպես ցույց է տալիս այդ երկի հանգամանալից հետազոտությունը, Սայաթ-Նովայի կյանքի հաղբատյան առեղծվածը և մահվան հանգամանքները պարզելու տեսակետից շոշափելի նյութ չի տալիս: Այս նկատառումով էլ մենք ավելորդ ենք համարում Շ. Գրիգորյանի հոդվածի՝ այդ հարցին նվիրված մասին պատասխանելը:

Կարելի էր Շ. Գրիգորյանի հոդվածի մյուս սխալներն ու հակասություններն էլ ցույց տալ, բայց հարգենք ընթերցողին և կանգ առնենք:

Սայաթ-Նովայի կյանքի վերջին երեսուն տարիների ժամանակագրությունը, որի մասին խոսել էինք նաև մեր նախորդ հոդվածում, եղել է այսպիսին.

1. Թիֆլիսից հեռանալուց հետո (1759—1765 թթ. միջև), մինչև 1768 թ. Սայաթ-Նովան անցկացրել է Կախի ավանում, որպես զեղչուկ քահանա, Տեր-Ստեփան[ոս] անունով:

2. 1768—1778 (կեսեր), իբրև նույնանուն վեղարավոր վարդապետ, նա բնակվել է Տփղիսում և սպասավորել Հաղբատի թեմի առաջնորդարանում ու Բերդի կաթողիկե եկեղեցում:

3. 1778 (կեսեր)— 1784 թթ. այն տարիներն են, որոնց ընթացքում նա պետք է ապրեր Հաղբատի վանքում:

4. 1784—1795 թթ. ապրել է վերստին Թիֆլիսում, Հաղբատի վանքի մյուս միաբանների հետ:

5. 1795 թ. սեպտեմբերին նա սպանվել է Աղա-Մահմադ խանի հրոսակների ձեռքով:

ЕЩЕ РАЗ О ЖИЗНИ САЯТ-НОВЫ В АХПАТСКОМ МОНАСТЫРЕ

Доктор филологич. наук П. О. АКОПЯН

(Резюме)

Статья является ответом на полемические заметки Ш. Григоряна «Об ахпатском периоде жизни Саят-Новы» («Историко-филологический журнал», 1971, № 3), в которой автор пытается оспорить положения, высказанные в нашей статье «К вопросу о пребывании Саят-Новы в Ахпатском монастыре» (там же, 1969, № 3).

Вопреки общеизвестным фактам о нашествии лезгинов во второй половине XVIII в. в Грузию и Лорийскую область, в результате чего Ахпатский монастырь длительное время пребывал в полном запустении, Ш. Григорян настаивает на том, что Ахпатский монастырь жил в те годы полнокровной жизнью, и Саят-Нова с 70-х годов XVIII в. находился там. Однако приведенные им факты или неверны, или же представлены в искаженном виде. Так, например, Ш. Григорян сообщает, что в Ахпатском монастыре в 1751 г. якобы был похоронен архимандрит Петрос Шнохци, между тем как последний скончался в 1846 г., о чем свидетель-

ствует «Описание Ахпатского монастыря» (1886) Р. Ерзинкяна. В другом месте, ссылаясь на работу А. Ерицяна «Ахпатский монастырь» (1873), Ш. Григорян утверждает, что в 1766 г. Ахпат был вновь заселен. На самом же деле в 1766 г. католикос Симеон Ереванци решил упразднить Ахпатскую епархию именно потому, что монастырь долгое время не действовал.

В статье приведены и другие факты, показывающие, что Ахпатский монастырь во второй половине XVIII в., в период пребывания там опального поэта-инок Саят-Новы, функционировал лишь в 1778—1784 гг. До этого (1768 г.—май 1778 г.) и после (конец 1784 г.—сентябрь 1795 г.) Саят-Нова, вместе с другими братьями Ахпатского монастыря, жил в Тифлисе.